

NAROD I PRAVDA

Zastupnik Vedran Jakupović

Zastupnička inicijativa

Vlada KS

Inicijativa

Podnosim inicijativu da se pristupi izradi dokumenta koji bi propisao korištenje povlastica za porodice sa 3 i više djece prilikom treniranja sportova, te kod korištenja kulturnih i sportskih terena i objekata (kina, muzeji, ski-tereni, bazeni itd) koji su u nadležnosti Kantona Sarajevo.

OBRAZLOŽENJE:

Bosna i Hercegovina se suočava sa depopulacijom i velikim iseljavanjem stanovništva, naročito mladih. Sve je to između ostalog uzrokovano niskim životnim standardom, gdje je naročito izazovno podizanje većeg broja djece.

Pored ovoga, istraživanja pokazuju da se današnja djeca jako malo bave fizičkom aktivnošću, koja je neophodna za normalan razvoj.

Stoga je u sklopu populacijske politike potrebno donijeti mjere koje se već decenijama provode u zemljama koje imaju problem sa depopulacijom stanovništva. Jedna od njih je da se omoguće povlastice u vidu popusta kod korištenja sportskih terena i objekata porodicama sa 3 i više djece, te treniranja nekog od sportova.

Primjera radi, mjesečni termini treniranja sportova kreću se od 50 KM i naviše. Dakle, za porodice sa 3 i više djece potrebno je izdvojiti minimalno 150 KM (a često i daleko više samo za termine), plus oprema, prevoz i ostalo.

Također, slična situacija je sa npr ski-kartama ZOI'84.

Povlastica bi podrazumijevala popust u procentu određenom brojem djece (npr. 2. dijete bi plaćalo 80% cijene, 3. dijete 50% cijene, 4. 30% cijene itd). Područje primjene bi bili svi kulturni objekti, sportski tereni i objekti, te sportski klubovi na području Kantona Sarajevo, a iznos povlastica bi bio pokriven budžetom Kantona Sarajevo.

S poštovanjem,

Sarajevo 24.7.2019.



Vedran Jakupović